

Nakon sprovedene procedure direktnog sporazuma, na način i po postupku predviđenom odredbama Zakona o javnim nabavkama BiH, zaključuje se

UGOVOR

o nabavci usluga pregleda oruđa za rad, pregleda i ispitivanje uslova radne sredine i izrade elaborata zaštite na radu za potrebe Galenskog laboratorija „Galas“

Zaključen između ugovornih strana:

JAVNA USTANOVA „APOTEKE SARAJEVO“, sa sjedištem u Sarajevu, na adresi Aleja Bosne Srebrene bb/IX , ID broj: 4200280090003, koju zastupa generalni direktor Prim. mr. ph. Sait Muradić (dalje u tekstu Naručilac)

i

PROVING d.o.o., sa sjedištem u Sarajevu, na adresi Milana Preloga bb, identifikacijski broj:4200289800003 koje zastupa Amir Krečo, dipl. ing. (dalje u tekstu Pružalac usluga).

Član 1.

(Predmet ugovora)

Ovim ugovorom definišu se prava i obaveze ugovorenih strana u realizaciji usluga pregleda oruđa za rad, pregleda i ispitivanja uslova radne sredine i izrade elaborata zaštite na radu za potrebe Galenskog laboratorija „Galas“, (prostori smješteni su na adresama: ul. Mustafe Pintola broj 1 i ul. Bistrik Medresa broj 2).

Član 2.

(Obaveze Pružaoca usluga)

Pružalac usluga će za potrebe Naručioca izvršiti pregled oruđa za rad, pregled i ispitivanje uslova radne sredine i izradu elaborata zaštite na radu za potrebe Galenskog laboratorija „Galas“, na adresama naznačenim u članu 1.

Pružalac usluga je obavezan da poslove koje obavlja kod Naručioca usluga obavi u skladu sa najnovijim stručnim i naučnim saznanjima i u skladu sa važećim zakonima iz ove oblasti.

Svi stručni nalazi Pružaoca usluga koji budu urađeni za Naručioca usluga, pored konstatacije činjeničnog stanja moraju sadržavati i prijedlog mjera i radnji na otklanjanju nepravilnosti.

Za izvršenje svih stručnih radnji iz ovog Ugovora, Pružalac usluga je obavezan da angažuje svoje najkvalitetnije kadrove i najsavremeniju opremu koju posjeduje.

Pružalac usluga se obavezuje da će poslove koji su predmet ovog ugovora obavljati u skladu sa zakonom uz pridržavanje rokova iz ovog ugovora i programa realizacije poslova, vodeći računa o planskim aktivnostima Naručioca.

Član 3.
(Obaveze Naručioca usluga)

Naručilac usluga se obavezuje da će stručnom timu Pružaoca usluga obezbjediti nesmetan pristup prostorima i predmetima koji su predmet Ugovora, omogućiti uvid u potrebnu tehničku dokumentaciju i odrediti stručno lice za informacije u vezi sa opremom i objektom.

Član 4.
(Cijena)

Pružalac usluga će usluge koje su predmet ovog ugovora izvršiti po Cjenovniku sadržanom u Ponudi broj: 3673/17 od 06.12.2017. godine, koja je sastavni dio ovog ugovora.

Član 5.
(Povjerljivost)

Davalac i naručilac usluga se obavezuju da će u vrijeme trajanja i prestanka trajanja ovog ugovora, čuvati poslovnu tajnu i sve druge poslovne informacije i podatke do kojih su došli za vrijeme trajanja ovog ugovora.

Član 6.
(Trajanje ugovora)

Ovaj ugovor se zaključuje na period od 27.12.07.2017. godine i biće na snazi sve do i uključujući 31.01.2018. godine.

Član 7.
(Raskid ugovora)

Obje strane ugovor mogu raskinuti uz otkazni rok od 15 (prtnaest) dana, koji počinje teći od dana dostave obavještenja u pismenom obliku.

Član 8.
(Završne odredbe)

Ovaj ugovor predstavlja sveobuhvatan i potpuno regulisan pravni odnos između ugovornih strana i svi raniji dogovori kao i usmene i pismene izjave u vezi sa predmetom ovog ugovora, stavljaju se van snage.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Za sve što nije predviđeno ovim ugovorom, primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 9.

Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

JU „Apoteke Sarajevo“
Prim. mr. ph. Sait Muradić
Generalni direktor



Broj: 01-03-1784/17
 Datum: 26.12.2017. godine



PROVING d.o.o.
Amir Krečo, dipl. ing.
Direktor



Broj: 005/18
 Datum: 03. I 2018.

